

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 87. sjednici održanoj dana 10.12.2020. godine, d o n o s i

ZAKLJUČAK

I.

Usvaja se Informacija o stanju u oblasti raseljenih lica i povratnika na području Zeničko-dobojskog kantona za 2020. godinu.

II.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02-_____/20
Datum, 10.12.2020. godine
Zenica

DOSTAVLJENO:

1x Ministarstvo za rad, socijalnu politiku i izbjeglice,
1x a/a.

Bosna i Hercegovina
Federacija Bosne i Hercegovine
ZENIČKO - DOBOJSKI KANTON
MINISTARSTVO ZA RAD,
SOCIJALNU POLITIKU I IZBJEGLICE



Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF LABOR, SOCIAL AFFAIRS,
THE DISPLACED & REFUGES

I N F O R M A C I J A
o stanju u oblasti raseljenih lica i povratnika
na području Zeničko-dobojskog kantona za 2020. godinu

Zenica, novembar 2020. godine

S A D R Ź A J

1.	UVOD	STR. 3
2.	PRAVNO UREĐENJE STATUSA RASLJENIH LICA I POVRATNIKA	STR. 3
3.	BROJČANI POKAZATELJI I NAČIN SMJEŠTAJA RASELJENIH LICA	STR. 4
3.1.	BROJ RASELJENIH LICA U 2020. GODINI	STR. 4
3.2.	NAČIN SMJEŠTAJA RASELJENIH LICA I POVRATNIKA	STR. 5
4.	POVRATAK RASELJENIH LICA NA PODRUČJE KANTONA	STR. 6
5.	PROJEKTI OBNOVE STAMBENOG FONDA I ODRŽIVOG POVRATKA	STR. 6
5.1.	PROJEKTI POTPORE POVRATKU MINISTARSTVA ZA RAD, SOCIJALNU POLITIKU I IZBJEGLICE	STR. 8
6.	ZAKLJUČNA RAZMATRANJA	STR. 9

1. UVOD

Programom rada Vlade Zeničko-dobojskog kantona za 2020. godinu predviđeno je razmatranje Informacije o stanju u oblasti raseljenih lica i povratnika na području Zeničko-dobojskog kantona za 2020. godinu.

Proces povratka raseljenih lica, s obzirom na kompleksnost, se treba sagledavati sa socijalnog aspekta budući da je najveći broj raseljenih lica koja se još uvijek nisu vratila u prijeratna mjesta stanovanja socijalna kategorija, odnosno lica bez primanja ili lica na rubu egzistencije. Poseban problem su raseljena lica koja prije rata nisu imala imovinu, odnosno lica čiji je status revidiran na temelju zaštite ljudskih prava, humanitarnih i drugih razloga (žrtve nasilja, traume i zlostavljanja i sl.) kao i porodice kod kojih ne postoji mogućnost rekonstrukcije prijeratnih stambenih jedinica.

Većina raseljenih lica koja su evidentirana na području Kantona pripadaju posebno ranjivim kategorijama stanovništva kao što su: tjelesno i mentalno onesposobljena lica, hronični bolesnici, porodice sa jednim roditeljem, djeca bez roditelja, starija lica bez sredstava za život i ostala lica koja imaju objektivne razloge zbog kojih se ne vraćaju u prijeratna mjesta življenja.

S obzirom na specifičnost ovih kategorija potrebno je na senzibiliziran način pristupiti iznalaženju trajnih rješenja za njihovo zbrinjavanje, bilo izgradnjom zgrada za socijalno-neprofitno stanovanje bilo kroz smještaj u ustanove specijalne namjene. S tim u vezi, potrebno je angažirati sve relevantne institucije na rješavanju pitanja zdravstvene zaštite, obrazovanja, socijalne zaštite, a naročito obezbjeđivanja pretpostavki za zapošljavanje i samozapošljavanje povratnika.

U Informaciji će biti dati pokazatelji koji se odnose na strukturu raseljenih lica na području Zeničko-dobojskog kantona, alternativno stambeno zbrinjavanje, te osvrt na realizovane projekte stambenog zbrinjavanja raseljenih lica i osvrt na infrastrukturne projekte u povratničkim zajednicama.

2. PRAVNO UREĐENJE STATUSA RASELJENIH LICA I POVRATNIKA

Zaštita i socijalno statusni položaj raseljenih lica, propisani su federalnim i kantonalnim zakonima. Zakonom o raseljenim licima i povratnicima („Službene novine Zeničko-dobojskog kantona“, broj: 6/06, 10/08 i 10/11) raseljenim licima i povratnicima privremeno se osiguravaju sljedeća prava:

- pomoć u nužnoj opravci vlastitih kuća ili stanova;
- pomoć u korištenju kredita ili donacija za otpočinjanje poslova u pogledu stvaranja prihoda za sebe i svoju porodicu;
- privremeni smještaj;
- neophodna ishrana;
- socijalna adaptacija i psihološka podrška;
- zdravstvena zaštita;
- obrazovanje djece i omladine;
- podmirenje drugih nužnih životnih potreba.

Prema odredbama naprijed citiranog Zakona prioritet je ostvarivanje prava na obnovu stambenog fonda i privremeni smještaj.

Raseljena lica i povratnici na području Zeničko-dobojskog kantona ostvaruju osnovna

socijalna prava, shodno odredbama Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i 2/16), jednako kao i svi građani, odnosno, domicilno stanovništvo Zeničko-dobojskog kantona.

3. BROJČANI POKAZATELJI I NAČIN SMJEŠTAJA RASELJENIH LICA

U dvanaest općina Zeničko-dobojskog kantona, prema podacima iz centralne baze podataka o raseljenim licima koja se vodi u Ministarstvu, trenutno je evidentirano 583 porodice, odnosno 1.527 raseljenih lica.

3. 1. BROJ RASELJENIH LICA U 2020. GODINI

Posljednja reregistracija raseljenih lica izvršena je u periodu od 15. decembra 2004. godine do 31. marta 2005. godine, kada je registrirano 20.210 lica. Dio raseljenih lica se vratio u prijeratno prebivalište bez odjave kod nadležne općinske službe, dijelu raseljenih lica je pravosnažnim rješenjima ukinut status raseljenog lica zbog stvaranja uvjeta za povratak obnovom stambenih objekata, vlastitim izborom mjesta življenja ili zbog smrti.

Prema evidencijama koje se vode u gradovima/općinama na području Kantona zbrinuto je 1.527 raseljenih lica odnosno 583 porodica. Po modelu „plaćanja stanarine“ zbrinuto je 27 porodica. Jedino u općini Tešanj postoje dva kolektivna naselja i to: „Vila“ u kojem je smješteno 16 porodica odnosno 52 osobe i „Logobare“ u kojem je smješteno 17 lica. Izgradnjom zgrade u sklopu projekta „Zatvaranje kolektivnih centara kroz omogućavanje javnih stambenih rješenja-CEB II“ izgradit će se zgrada sa 16 stambenih jedinica, pa je pretpostavka da će se na ovaj način većina raseljenih porodica trajno zbrinuti.

U tabeli 1. dat je pregled brojčanog stanja raseljenih lica zaključno sa novembrom 2020. godine.

Tabela 1.

R.br.	Općina	Broj ras. lica	Broj ras. porodica	Br.porodica u alternativnom smještaju	Broj raseljenih lica u kolekt. smještaju
1.	Breza	34	17	2	0
2.	Doboj Jug	26	10	0	0
3.	Kakanj	160	62	1	0
4.	Maglaj	111	41	2	0
5.	Olovo	148	53	1	0
6.	Tešanj	205	59	0	69
7.	Usora	0	0	0	0
8.	Vareš	19	15	1	0
9.	Visoko	213	83	5	0
10.	Zavidovići	317	108	13	0
11.	Zenica	217	113	1	0
12.	Žepče	77	22	1	0
UKUPNO		1527	583	27	21

3.2. NAČIN SMJEŠTAJA RASELJENIH LICA I POVRATNIKA

Raseljena lica i povratnici na području Kantona smješteni su na različite načine. Dio raseljenih lica još uvijek je smješten u dva kolektivna naselja u općini Tešanj, dio u alternativnom smještaju po modelu "plaćanje stanarine", dio u zgradama Radakovo i Crkvice u Zenici, a ostali su smješteni privatno, kod rođaka, prijatelja i sl.

Povratnici na područje Zeničko-dobojskog kantona vratili su se u stambene objekte obnovljene ili vlastitim sredstvima ili putem različitih donacija, stanuju u privatnom smještaju za koji sami plaćaju stanarinu ili su kod rođaka, prijatelja i slično dok im se ne obezbijede uvjeti da kroz donacije obnove svoje prijeratne stambene jedinice.

Od 2001. godine raseljenim licima, kojima je priznato pravo na privremeni smještaj i koji ostvaruju primanja ispod zakonski određenog cenzusa mjesečnih primanja, odobrava se alternativni smještaj po modelu "plaćanje stanarine". Članom 13. i članom 15. Zakona o raseljenim licima i povratnicima Zeničko-dobojskog kantona („Službene novine Zeničko-dobojskog kantona“, broj: 6/06, 10/08 i 10/11) propisan je način ostvarivanja prava na privremeni smještaj raseljenih lica „plaćanjem stanarine“ i visine iznosa mjesečnih stanarina u zavisnosti od broja članova domaćinstva. Po ovom osnovu stambenog zbrinjavanja zbrinuto je 27 porodica. Za ovu namjenu do novembra 2020. godine utrošena su sredstva u iznosu od 22.440 KM.

U kolektivnom naselju Vila u Tešnju smješteno je 16 porodica zajedno sa domicilnim socijalno ugroženim porodicama, dok je u kolektivnom naselju Logobare smješteno 17 lica. Ova raseljena lica su i prije rata bila u stanju socijalne potrebe, nisu imala vlastitu imovinu, odnosno većina su bili podstanari.

Rješavanje ovih i sličnih slučajeva omogućeno je putem realizacije Projekta UNHCR, Ministarstva za ljudska prava i izbjeglice, Federalnog ministarstva raseljenih osoba i kantonalnih ministarstava "Zatvaranje kolektivnih centara kroz omogućavanje javnih stambenih rješenja-CEB II" čija ukupna vrijednost iznosi 388.431 Eura. Realizacijom predmetnog projekta iznaći će se odgovarajuća rješenja za trajno stambeno zbrinjavanje potencijalnih korisnika, a posebno ranjivih kategorija raseljenih lica.

Od 2005. godine dio najranjivijih raseljenih lica, lica starije životne dobi i bez porodičnog staranja, lica sa invaliditetom i drugim zdravstvenim teškoćama, stambeno je zbrinuto u dva stambena objekta u Zenici. U ovim namjenski izgrađenim zgradama za smještaj starih i iznemoglih raseljenih lica "Radakovo" i "Crkvice" smještene su 42 porodica, odnosno 50 osoba kojima se u ovisnosti od materijalnih prilika plaćaju režijski troškovi.

- Stambena zgrada u Crkvicama–Zenica je izgrađena 2005. godine sredstvima Vlade Švicarske. U ovom objektu trenutno je zbrinuto 9 porodica.
- Stambena zgrada u Radakovu–Zenica izgrađena je 2005. godine zajedničkim sredstvima Vlade Njemačke, Vlade Zeničko-dobojskog kantona i Općine Zenica. U ovom objektu trenutno su zbrinute 33 porodice.

Stanovi u obje zgrade su funkcionalno namješteni potrebnim pokućstvom. Plaćanje režijskih troškova u ova dva objekta definirano je kriterijima prema kojima su korisnici razvrstani u četiri grupe, u zavisnosti od visine primanja. Prva grupa korisnika, lica u stanju socijalne potrebe, bez primanja, su u potpunosti oslobođena plaćanja režijskih troškova. Druga i treća grupa djelimično učestvuje u snošenju režijskih troškova, a četvrta grupa u cijelosti snosi režijske troškove.

Ministarstvo za rad, socijalnu politiku i izbjeglice u objektima „Radakovo“ i „Crkvice“, s ciljem stvaranja humanijih uslova za stanovanje starih i iznemoglih raseljenih lica, finansira projekat „Mobilna kućna njega i pomoć u kući za stara i iznemogla lica“ čija je vrijednost u

2020. godini ugovorena na iznos od 60.000,00 KM. Predmetnim projektom osigurava se organizacija unutrašnjeg života, nadzora nad održavanjem zgrada, regulisanja režijskih troškova i drugih bitnih poslova od važnosti za kvalitet i standard života stanara, a implementator projekta je JU „Penzionerski dom sa stacionarom Zeničko-dobojskog kantona”. Grad Zenica za raseljena lica smještena u ovim zgradama obezbjeđuje dostavu toplog obroka putem Javne kuhinje.

Zbog smanjenja broja starih i iznemoglih raseljenih lica sa Vladom Švicarske i Vladom Njemačke postignut je dogovor prema kojem se nakon oslobađanja stambene jedinice u zgradi u Crkvicama isti predaje na upravljanje Gradu Zenica za smještaj domicilnih socijalno ugroženih porodica. Oslobađanjem stambene jedinice u zgradi u Radakovu raseljena porodica iz zgrade u Crkvicama se preseljava u zgradu u Radakovu kako bi se oslobodio smještaj za domicilne socijalne slučajeve iz Grada Zenica.

Na ime režijskih troškova u ova dva objekta do novembra 2020. godine iz Budžeta Zeničko-dobojskog kantona isplaćeno je 35.136,07 KM.

U 2020. godini Ministarstvo je nastavilo pružati pomoć za porodice koje su usljed prirodne nesreće izmještene iz svojih domova (poplave i klizišta) kroz plaćanje stanarine dok im se ne saniraju ili izgrade novi stambeni objekti. Važno je napomenuti da se svaka tri mjeseca, donošenjem novog rješenja, utvrđuje opravdanost nastavka korištenja prava. Do novembra mjeseca 2020. godini pravo na ovu pomoć ostvarilo je 26 porodica, a utrošena su sredstva u iznosu 18.000,00 KM.

4. POVRATAK RASELJENIH LICA NA PODRUČJE KANTONA

Tačan broj povratnika na područje Kantona nije moguće utvrditi s obzirom da povratnici nemaju zakonsku obavezu prijavljivanja povratka. Povratnici se prijavljuju u općinama povratka samo u slučajevima kada traže ostvarenje neko od prava koje proizilazi iz statusa povratnika, a koja su definirana Zakonom o raseljenim licima i povratnicima („Službene novine Zeničko-dobojskog kantona“, broj: 6/06, 10/08 i 10/11). Važno je naglasiti da je u svim općinama okončana provedba imovinskih zakona.

5. PROJEKTI OBNOVE STAMBENOG FONDA I ODRŽIVOG POVRATKA

Jedno od osnovnih prava raseljenih lica utvrđeno Zakonom o raseljenim licima i povratnicima („Službene novine Zeničko-dobojskog kantona“, broj: 6/06,

10/08 i 10/11) je pravo na pomoć u nužnoj opravci vlastitih kuća ili stanova za trajni povratak na prijeratno prebivalište.

Stalan je problem pomoći u povratku raseljenim licima osiguranjem obnove stambenog fonda u slučajevima kada projekti obnove ne mogu biti realizirani zbog miniranog područja, nemogućnosti transporta građevinskog materijala do lokaliteta gradnje zbog devastiranih putnih komunikacija, devastiranosti infrastrukturne mreže-voda, električna energija, kanalizacija i sl.

Poseban problem predstavlja način trajnog rješavanja smještaja lica čiji je status revidiran na temelju zaštite ljudskih prava, humanitarnih i drugih razloga (žrtve nasilja, traume i zlostavljanja) kao i za invalidna lica, hronične bolesnike, porodice sa jednim roditeljem, stara i iznemogla lica bez sredstava za život, lica bez imovine i ostalih koji imaju razlog zbog kojeg ne žele da se vrate zbog nemogućnosti rekonstrukcije prijeratnih stambenih jedinica, te lica koja imaju objektivne razloge zbog kojih se ne vraćaju. Zbog navedenog, Ministarstvo je izradilo Zakon o socijalno neprofitnom stanovanju Zeničko-dobojskog kantona koji je Skupština Zeničko-dobojskog kantona donijela 2013. godine. Donošenjem ovog zakona omogućena je implementacija projekata Vijeća Evrope, Ministarstva za ljudska prava i izbjeglice i Federalnog Ministarstva raseljenih osoba i izbjeglica-“Regionalni stambeni projekat-RSP” i “Zatvaranje kolektivnih centara kroz omogućavanje javnih stambenih rješenja-CEB II”.

U skladu sa odredbama navedenog zakona, a s ciljem zaštite ranjivih kategorija raseljenih lica, Ministarstvo je u saradnji sa gradovima i općinama izradilo Odluku o kriterijima i postupku ostvarivanja prava na subvencioniranje zakupnine u ovim stanovima kojom su definirani korisnici i procenat sredstava koja će se obezbjeđivati u Budžetu Zeničko-dobojskog kantona i gradovima/općinama Zeničko-dobojskog kantona. Vlada Zeničko-dobojskog kantona je donijela predloženu Odluku u aprilu 2018. godine, čime je osigurano da za korisnike koji su definirani ovom Odlukom Ministarstvo plaća 60%, a gradovi/općine 40% visine zakupnine. U 2020. godini pravo na subvencioniranje zakupnine ostvarilo je ukupno 26 korisnika za što je iz Budžeta Zeničko-dobojskog kantona za 2020. godinu do novembra ove godine utrošeno 2.875,94 KM. Pojavom pandemije korona virusa usporen je završetak realizacije predmetnih projekata čijom će izgradnjom biti trajno zbrinute porodice raseljenih lica koje su odabrane kao korisnici istih i za koje će u Budžetu Ministarstva za narednu godinu biti planirana sredstva za subvencioniranje zakupnine u skladu sa citiranom Odlukom.

U sklopu Regionalnog stambenog projekta u Zenici je izgrađena zgrada sa 62 stambene jedinice u koju su smještene i porodice raseljenih koje su koristile alternativni smještaj po modelu "plaćanje stanarine". U 2020. godini nastavljena je realizacija projekta "Zatvaranje kolektivnih centara kroz omogućavanje javnih stambenih rješenja" izgradnjom prve od dvije stambene zgrade sa 62 stana u naselju Radakovo, koja je trenutno u završnoj fazi. Za drugu zgradu od 69 stanova koja će se graditi u naselju Klopče, privodi se kraju pribavljanje urbanističko-tehničke dokumentacije, što je preduslov za početak gradnje.

U općini Tešanj je sklopu projekta "Zatvaranje kolektivnih centara kroz omogućavanje javnih stambenih rješenja-CEB II" započeta gradnja zgrade sa 16 stambenih jedinica. Općina Tešanj se u procesu javnih nabavki za odabir izvođača radova suočila s problemom zbog odustanka odabranog izvođača radova, pa je realizacija projekta bila odgođena do okončanja sudskog spora. Nastavak realizacije Projekta je započeo izborom novog izvođača radova i izgradnja je u toku. Vrijednost radova na izgradnji ovog stambenog objekta je 388.431 Eura.

U općini Kakanj, u sklopu Regionalnog stambenog projekta-Podprojekat BiH 4, odabrana su tri korisnika sa područja općine, od čega je u 2020. godini izgrađena stambena jedinica za jednog korisnika, a za preostala dva je u toku rješavanje imovinsko-pravnih odnosa kao preduslova za izgradnju istih. U augustu 2020. godine izvršena je primopredaja dvadeset stambenih jedinica namijenjenih za smještaj socijalno ugroženih porodica raseljenih lica koje su izgrađene u sklopu Regionalnog stambenog projekta-Podprojekat BiH 3, u koje je smješteno ukupno 47 raseljenih lica i povratnika.

U općini Vareš je započeta izgradnja stambene zgrade sa devet stambenih jedinica u okviru Regionalnog stambenog projekta-Podprojekat BiH 6, za stambeno zbrinjavanje najugroženijih raseljenih lica i povratnika. Takođe, u toku je realizacija projekta sanacije i izgradnje stambenih jedinica izbjeglih i raseljenih lica iz sredstava Saudijskog fonda za međunarodni razvoj - SFD, koji implementira Sekretarijat za raseljena lica i migracije Republike Srpske, u okviru kojeg će se obnoviti stambene jedinice za dva korisnika-raseljena lica koje trenutno žive u RS.

U općini Zavidovići u 2020. godini obnovljeno je sedam individualnih stambenih objekata i to: 3 stambena objekta po sistemu „ključ u ruke“ čija je izgradnja finansirana kroz Projekat Saudijskog fonda za međunarodni razvoj – SFD, 3 stambena objekta donacijom građevinskog materijala od strane Federalnog ministarstva raseljenih osoba i izbjeglica i 1 stambeni objekat po sistemu „ključ u ruke“ realizovan sredstvima UNDP-a i Općine Zavidovići. Okvirna vrijednost izgradnje ovih objekata je 200.000,00 KM. Općina Zavidovići je također uključena u Regionalni stambeni projekat-Podprojekat BiH 6, u okviru kojeg će biti izgrađena jedna stambena zgrada sa 16 stambenih jedinica za smještaj raseljenih lica. Trenutno je Projekat u fazi izbora izvođača radova.

5.1. PROJEKTI POTPORE POVRATKU MINISTARSTVA ZA RAD, SOCIJALNU POLITIKU I IZBJEGLICE ZENIČKO-DOBOJSKOG KANTONA

Ministarstvo je u proteklim godinama samostalno radilo na implementaciji projekata obnove stambenih objekata po principu „ključ u ruke” ili „dodjela građevinskog materijala” a takođe je učestvovalo u sufinansiranju projekata obnove stambenog fonda sa Federalnim ministarstvom za raseljene osobe i izbjeglice i humanitarnim organizacijama CRS, ASB, Hilfswerk, čime je obnovljeno više od 800 stambenih objekata.

U 2019. i 2020. godini Ministarstvo je akcent dalo na obnovu infrastrukture u povratničkim mjesnim zajednicama na području Zeničko-dobojskog kantona sve s ciljem potpore održivom povratku i ekonomskom osnaženju povratničkih zajednica. Za podsticaj i održivost povratka u 2019. godini utrošeno je 454.289,09 KM. Dio sredstava je sufinansiran od strane Federalnog ministarstva raseljenih osoba.

Do septembra 2020. godine za podsticaj i održivost povratka odobreno je 525.834,23 KM. Za stvaranje minimalnih uvjeta za povratak (sanacija stambenih objekata, priključak stambenog objekta na elektroenergetsku mrežu i sl.) utrošeno je 44.614,69 KM, a za obnovu infrastrukturnih objekata (sanacija i rekonstrukcija putne mreže, obnova vjerskih objekata i sl.) 231.219,54 KM. Ostatak sredstava u iznosu od 250.000,00 KM za koja je posupak javnih nabavki radilo Federalno ministarstvo raseljenih osoba i izbjeglica, uplatit će se izvođačima radova po privremenim situacijama do kraja budžetske godine.

Najznačajniji projekti koji su finansirani ili sufinansirani sredstvima iz Budžeta Zeničko-dobojskog kantona za 2020. godinu su:

1. Sufinansiranje projekata sanacije putne infrastrukture u povratničkim mjesnim zajednicama na području općine Zavidovići, odobreno 83.825,20 KM.
2. Sufinansiranje projekta „Rekonstrukcija i sanacija lokalnog puta Jablanica-Gornji Rakovac, općina Maglaj“, odobreno 37.860,00 KM.
3. Sufinansiranje projekta „Betoniranje lokalnog puta u zaseoku Šimići, Mjesna zajednica Osova, općina Žepče“, odobreno 30.035,00 KM.
4. Sufinansiranje Projekta „Obnova Pravoslavne kapele u mjestu Gradište kod Zenice“, odobreno 26.000,00 KM.
5. Sufinansiranje projekta „Sanacija sa toplifikacijom zgrade rimokatoličkog župnog ureda u Ularicama, općina Usora“, odobreno 20.000,00 KM.
6. Sufinansiranje Projekta „Rekonstrukcija i asfaltiranje puta u Donjoj Lovnici“ općina Zavidovići, odobreno 16.499,34 KM.
7. Sufinansiranje izgradnje javne rasvjete u povratničkom naselju Potklečki put, MZ Klek, općina Zavidovići, odobreno 10.000,00 KM.
8. Projekat „Izgradnja ulične rasvjete u naselju Miserada, MZ Vozuća, općina Zavidovići“, odobreno 5.000,00 KM.
9. Sufinansiranje Projekta „Sanacija korita rijeke Krajnjače“ općina Žepče, odobreno 2.000,00 KM.
10. Sufinansiranje realizacije infrastrukturnih projekata na osnovu zaključenog Sporazuma o udruživanju sredstava za realizaciju projekata u Zeničko-dobojskom kantonu odobreno 250.000,00 KM, kako slijedi:
 - Općina Olovo iznos od 25.000,00 KM za projekat „Sanacija lokalnog puta u povratničkom naselju Kruševo“;

- Općina Vareš iznos od 20.000,00 KM za projekat „Rekonstrukcija puta Stupni Do-Lipa“;
 - Grad Visoko iznos od 50.000,00 KM za projekat „Sanacija i asfaltiranje dionice lokalnog puta Kula Banjer“;
 - Općina Kakanj iznos od 20.000,00 KM za projekat „Izgradnja parohijskog doma“;
 - Općina Žepče iznos od 20.000,00 KM za projekat „Izgradnja novog objekta osnovne škole Žepče“;
 - Općina Zavidovići iznos od 50.000,00 KM za projekat „Izgradnja vodovoda Rasječenica Breznik“ i iznos od 10.000 KM za projekat „Izgradnja javne rasvjete u mjestu Dolac“
 - Općina Maglaj ukupan iznos od 20.000,00 KM za projekte „MZ Kosova-„Izgradnja javne led rasvjete Kosova-Poljice“ u iznosu od 10.000,00 KM i „MZ Kopice-„Izgradnja društvenog doma“ u iznosu od 10.000,00 KM;
 - Općina Tešanj iznos od 25.000,00 KM za projekat „Asfaltiranje lokalnog puta Trepče-Šije“;
 - Općina Usora iznos od 10.000,00 KM za projekat „Rekonstrukcija i asfaltiranje Bejići“.
11. Sufinansiranje rada Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, odobrena sredstva u iznosu 30.000,00 KM u skladu sa zaključenim Memorandumom o razumijevanju.

6. ZAKLJUČNA RAZMATRANJA

Sagledavajući problematiku raseljenih lica kojima su još uvijek neriješeni egzistencijalni problemi, potrebno je na senzibiliziran način pristupiti iznalaženju trajnih rješenja, bilo izgradnjom zgrada za socijalno-neprofitno stanovanje bilo kroz smještaj u socijalno-zdravstvene ustanove. Donošenjem Zakona o socijalno-neprofitnom stanovanju Zeničko-dobojskog kantona omogućena je realizacija projekata Vijeća Evrope, Ministarstva za ljudska pava i izbjeglice i Federalnog Ministarstva raseljenih osoba i izbjeglica-“Regionalni stambeni projekat-RSP” i “Zatvaranje kolektivnih centara kroz omogućavanje javnih stambenih rješenja-CEB II”, što se pokazalo kao dobro rješenje za trajno stambeno zbrinjavanje raseljenih lica.

U narednom periodu izgradnja stanova za socijalno-neprofitno stanovanje treba biti model zbrinjavanja posebno ranjivih kategorija raseljenih lica i povratnika.

U narednom periodu potrebno je:

- Raditi na iznalaženju potencijalnih partnera zainteresiranih za učešće u sufinansiranju izgradnje stambenih jedinica u svrhu stambenog zbrinjavanja ranjivih kategorija raseljenih lica. Ovakav vid javno-privatnog partnerstva zasnovan na Zakon o socijalno-neprofitnom stanovanju i Zakon o javno privatnom partnerstvu mogao bi biti rješenje za trajno zbrinjavanje ranjivih, socijalno ugroženih kategorija raseljenih lica i povratnika.
- Nastaviti aktivnosti na finansiranju i sufinansiranju projekata obnove stambenog fonda, podsticaju i održivosti povratka obnovom infrastrukture i ekonomskim osnaženjem povratničkih zajednica.
- Zajedno sa Federalnim ministarstvom raseljenih osoba i izbjeglica te gradovima/općinama Kantona nastaviti sa aktivnostima na implementaciji Projekta „Regionalnog stambenog projekta i Projekta “Zatvaranje kolektivnih centara kroz omogućavanje javnih stambenih rješenja”. Realizacijom istih stambeno bi se zbrinule raseljene osobe iz kolektivnog i

alternativnog smještaja, povratnici bez stambenog rješenja i ostali socijalni slučajevi iz lokalnih zajednica.

- Nastaviti saradnju sa nevladinim organizacijama na realizaciji zajedničkih projekata obnove stambenog fonda, sa posebnim akcentom na zbrinjavanje ranjivih kategorija raseljenih lica, uključivanjem nevladinih organizacija kod izrade projekata i monitoringa, s ciljem stvaranja kvalitetnijeg življenja i reintegracije povratnika u lokalne zajednice, a što je jedan od načina zadržavanja pažnje međunarodnih donatora prema Bosni i Hercegovini.
- Nastaviti aktivnosti na realizaciji zahtjeva za zbrinjavanje readmisiranih osoba u skladu sa Protokolom o postupanju nadležnih organa u prihvatu, propratu i privremenom zbrinjavanju ranjivih readmisiranih osoba koje se vraćaju po osnovu sporazuma o readmisiji. Osnovni cilj postupanja po zahtjevu za zbrinjavanje readmisiranih osoba je osiguranje poštivanja obaveza koje je Bosna i Hercegovina preuzela potpisivanja Sporazuma o stabilizaciji i pridruživanju, a koje se odnose na uspostavu efikasnog sistema koji će upravljati migracijom stanovništva i efikasnog sistema prihvata državljana Bosni i Hercegovine čiji boravak u drugim zemljama postane nezakonit po bilo kom osnovu, od čijeg poštivanja direktno ovisi uspostavljena liberalizacija viznog režima za državljana Bosne i Hercegovine.

Zenica, novembar 2020. godine

Ministarstvo za rad,
socijalnu politiku i izbjeglice

MINISTRIČA

Azra Šabanović